

## ԸՆԴՀԱՆՈՒՐ ԴՐՈՒՅԹՆԵՐ

- 1 «ՀԱՅԷԿՈՆՈՍԲԱՆԿ»ԲԲԸ-ն կարող է գործող սակագներում կատարել փոփոխություններ և լրացումներ՝ ծանուցելով դրանց մասին հաճախորդներին՝ փոփոխությունների և լրացումների տեքստը «ՀԱՅԷԿՈՆՈՍԲԱՆԿ»ԲԲԸ-ի տարածքում կամ ինտերնետային կայքում հասանելի դարձնելու միջոցով: Փոփոխությունները և լրացումներն ուժի մեջ են մտնում «ՀԱՅԷԿՈՆՈՍԲԱՆԿ»ԲԲԸ-ի կողմից սահմանված պահից, բայց դրանց մասին հաճախորդներին ծանուցելու օրվանից ոչ շուտ:
- 2 Միջնորդավճարները գանձվում են ՀՀ դրամով.  
ա/ արտարժույթով արտահայտված գումարների նկատմամբ միջնորդավճարները գանձվում են՝ հիմք ընդունելով գանձման օրվա դրությամբ ՀՀ Կենտրոնական բանկի կողմից հրապարակված՝ արժույթային շուկայում ձևավորված տվյալ արտարժույթի միջին փոխարժեքը:  
բ/ հաճախորդի հաշիվներին ՀՀ դրամով բավարար միջոցներ չլինելու դեպքում «ՀԱՅԷԿՈՆՈՍԲԱՆԿ»ԲԲԸ-ն իրավունք ունի միջնորդավճարի գումարը, կամ դրա մի մասը փոխարկել արտարժույթով ունեցած միջոցներից՝ հիմք ընդունելով գանձման օրվա դրությամբ ՀՀ Կենտրոնական բանկի կողմից հրապարակված՝ արժույթային շուկայում ձևավորված տվյալ արտարժույթի միջին փոխարժեքը:
- 3 Վարկերի, վարկային գծերի, այլ պարտավորությունների և/կամ ավանդների դիմաց հաշվեգրվող տոկոսագումարները գանձվում և/կամ վճարվում են ՀՀ դրամով և արտարժույթով՝ հիմք ընդունելով գանձման և/կամ վճարման օրվա դրությամբ ՀՀ Կենտրոնական բանկի կողմից հրապարակված՝ արժույթային շուկայում ձևավորված տվյալ արտարժույթի միջին փոխարժեքը:
- 4 Վարկերի, վարկային գծերի և բանկի նկատմամբ այլ պարտավորությունների դիմաց հաշվեգրվող տոկոսները չեն կարող գերազանցել ՀՀ ԿԲ կողմից սահմանված բանկային տոկոսի հաշվարկային դրույթի կրկնապատիկը:
- 5 ԱԱՀ-ով հարկվող գործարքների սակագները ներառում են նաև ավելացված արժեքի հարկը:
- 6 Հիմք ընդունելով «ՀԱՅԷԿՈՆՈՍԲԱՆԿ»ԲԲԸ և հաճախորդի միջև երկարատև համագործակցությունը, հաճախորդի գործարքների ծավալները և այլ հիմնավոր պատճառներ՝ «ՀԱՅԷԿՈՆՈՍԲԱՆԿ»ԲԲԸ-ի կողմից կարող են կիրառվել այլ սակագներ և դրույքաչափեր:
- 7 Ֆիզիկական անձանց վճարված տոկոսագումարը, համաձայն ՀՀ հարկային օրենսդրության պահանջների, ենթակա է հարկման եկամտահարկով:
- 8 «Ֆիզիկական անձանց բանկային ավանդների հատուցումը երաշխավորելու մասին» ՀՀ օրենքի համաձայն՝ ՀՀ տարածքում գործող բանկերում ֆիզիկական անձանց (այդ թվում՝ անհատ ձեռնարկատերերի) բանկային ավանդների հատուցումը երաշխավորված է Ավանդների հատուցումը երաշխավորող հիմնադրամի կողմից: Երաշխավորվում են ավանդատուի ինչպես դրամային, այնպես էլ արտարժույթային ավանդները:  
Երաշխավորված ավանդի չափերն են՝
  - \*Եթե ավանդատուն բանկում ունի միայն դրամային բանկային ավանդ, ապա երաշխավորված ավանդի չափը տասնվեց միլիոն հայկական դրամ է,
  - \*Եթե ավանդատուն բանկում ունի միայն արտարժույթային բանկային ավանդ, ապա երաշխավորված ավանդի չափը յոթ միլիոն հայկական դրամ է,
  - \*Եթե ավանդատուն բանկում ունի դրամային և արտարժույթային բանկային ավանդներ, և դրամային բանկային ավանդի գումարը յոթ միլիոն հայկական դրամից ավելի է, ապա երաշխավորվում է միայն դրամային ավանդը՝ մինչև տասնվեց միլիոն հայկական դրամով,
  - \*Եթե ավանդատուն բանկում ունի դրամային և արտարժույթային բանկային ավանդներ, և նրա դրամային բանկային ավանդի գումարը պակաս է յոթ միլիոն հայկական դրամից, ապա երաշխավորվում է դրամային բանկային ավանդն ամբողջությամբ և արտարժույթային բանկային ավանդը՝ յոթ միլիոն դրամի և հատուցված դրամային բանկային ավանդի տարբերության չափով: